

სს „საქართველოს სახელმწიფო ელექტროსისტემისათვის“ ელექტრონული ტენდერის აუქციონის
გარეშე (NAT230023786) (ასა)-ს და WAMS სისტემების მოწყობილობების შესყიდვის მიზნით
მუდმივმოქმედი სატენდერო კომისიის სხდომის
ოქმი #2

ქ. თბილისი,

15 დეკემბერი 2023 წელი

სატენდერო კომისიის სხდომას ესწრებოდნენ:

1. კომისიის თავმჯდომარე— გიორგი გელაშვილი
2. კომისიის თავმჯდომარის მოადგილე— მურთაზ სიჭინავა
3. კომისიის წევრი— გელა კეზუა
4. კომისიის წევრი— გიორგი ქურცუა
5. კომისიის წევრი— დავით ბენიძე
6. კომისიის წევრი— ლაშა შენგელია
7. კომისიის აპარატის წევრი— გიორგი გიორგაძე

დღის წესრიგი:

1. სს „სსე“-ს დირექტორთა საბჭოს წევრის მოვალეობის შემსრულებლის ზურაბ მიქაიას 2023 წლის 14 დეკემბრის #21668 სამსახურებრივი ბარათის განხილვა (ასა)-ს და WAMS სისტემების მოწყობილობების შესყიდვაზე გამოცხადებული ელექტრონული ტენდერის აუქციონის გარეშე (NAT230023786) სატენდერო დოკუმენტაციაში ცვლილების შეტანის თაობაზე.

განხილვა:

1. სახელმწიფო შესყიდვების ერთიან ელექტრონულ სისტემაში გამოცხადებულ ელექტრონულ ტენდერში აუქციონის გარეშე (NAT230023786) (ასა)-ს და WAMS სისტემების მოწყობილობების შესყიდვაზე დაინტერესებული პრეტენდენტის მიერ დაისვა კითხვა სატენდერო დოკუმენტაციის 1.4 ველის 1.4.1 პუნქტით მოთხოვნილი საქონლის მიწოდების ვადის კორექტირების შესახებ. ამასთან, სატენდერო კომისიამ განიხილა სს „სსე“-ს დირექტორთა საბჭოს წევრის მოვალეობის შემსრულებლის ზურაბ მიქაიას 2023 წლის 14 დეკემბრის #21668 სამსახურებრივი ბარათი (ოქმს თან ერთვის – 1გვ.), რომელშიც აღნიშნულია, რომ 2023 წლის 22 ნოემბერს სახელმწიფო შესყიდვების ერთიან ელექტრონულ სისტემაში გამოცხადებულ ელექტრონულ ტენდერში სატენდერო დოკუმენტაციის 1.4 ველის 1.4.1 პუნქტში მოცემული ინფორმაცია საქონლის მიწოდების ვადის შესახებ შესაძლებელია დაკორექტირდეს.
2. სატენდერო კომისიის წევრებმა აღნიშნეს, რომ შესყიდვაში მონაწილეობის მსურველ პირებს შორის ჯანსაღი კონკურენციის განვითარების მიზნით, მიზანშეწონილია სატენდერო დოკუმენტაციაში განხორციელდეს სათანადო ცვლილება, კერძოდ:
სატენდერო დოკუმენტაციის კითხვარის 1.4 ველის 1.4.1 პუნქტით მოთხოვნილი „საქონლის მიწოდების ვადა: ხელშეკრულების გაფორმებიდან არაუმეტეს 100 (ასი) კალენდარული დღე.“ საჭიროა დაკორექტირდეს და განისაზღვროს შემდეგი სახით: „საქონლის მიწოდების ვადა: ხელშეკრულების გაფორმებიდან არაუმეტეს 120 (ასოცი) კალენდარული დღე.“
3. სსიპ სახელმწიფო შესყიდვების სააგენტოს თავმჯდომარის 2017 წლის 14 ივნისის #12 ბრძანებით დამტკიცებული „ელექტრონული ტენდერის ჩატარების წესის დამტკიცების შესახებ“ მე-19 მუხლის პირველი პუნქტის თანახმად, ასევე მე-2 მუხლის პირველი პუნქტის რ) ქვეპუნქტით გათვალისწინებულ ეტაპზე, სატენდერო დოკუმენტაციაში ცვლილების შეტანა შესაძლებელია მხოლოდ „ტენდერი გამოცხადებულია“ – სტატუსის მინიჭებისას, რომელიც მოიცავს სატენდერო განცხადების სისტემაში განთავსებიდან სატენდერო წინადადებების მიღების

დაწყებამდე ტენდერის მიმდინარეობის ეტაპზე. იმის გათვალისწინებით, რომ ტენდერი გამოცხადდა 22.11.2023 და სატენდერო წინადადებების მიღება იწყება 21.12.2023, ასევე, გამომდინარე იქიდან, რომ სატენდერო დოკუმენტაციაში განსაზღვრული ზემოაღნიშნული ცვლილებები არის რედაქციული ხასიათის, იგი არ ახდენს არსებით გავლენას სატენდერო დოკუმენტაციით განსაზღვრულ საქონლის ტექნიკურ პარამეტრებზე. ამდენად სატენდერო კომისიამ იმსჯელა და დასაშვებად მიიჩნია მიმდინარე ტენდერის აუქციონის გარეშე (NAT230023786) სატენდერო დოკუმენტაციაში შესაბამისი ცვლილების შეტანა.

სატენდერო კომისიამ დაადგინა:


1. სსიპ სახელმწიფო შესყიდვების სააგენტოს თავმჯდომარის 2017 წლის 14 ივნისის #12 ბრძანებით დამტკიცებული „ელექტრონული ტენდერის ჩატარების წესის დამტკიცების შესახებ“ მე-19 მუხლის პირველი პუნქტის საფუძველზე, (ასა)-ს და WAMS სისტემების მოწყობილობების შესყიდვაზე გამოცხადებულ ელექტრონულ ტენდერში აუქციონის გარეშე (NAT230023786) განხორციელდეს შემდეგი ცვლილება, კერძოდ:
 - სატენდერო დოკუმენტაციის კითხვარის 1.4 ველის 1.4.1 პუნქტი ჩამოყალიბდეს შემდეგი სახით: „საქონლის მიწოდების ვადა: ხელშეკრულების გაფორმებიდან არაუმეტეს 120 (ასოცი) კალენდარული დღე.“
2. დაევალოს სატენდერო კომისიის აპარატის წევრს გიორგი გიორგაძეს ზემოაღნიშნული კორექტირების შეტანა სატენდერო დოკუმენტაციაში და სსიპ სახელმწიფო შესყიდვების სააგენტოს თავმჯდომარის 2017 წლის 14 ივნისის #12 ბრძანების „ელექტრონული ტენდერის ჩატარების წესის დამტკიცების შესახებ“ მე-6 მუხლის მე-6 პუნქტის შესაბამისად სატენდერო კომისიის სხდომის ოქმის ხელმოწერისთანავე ატვირთვა ერთიან ელექტრონულ სისტემაში.
3. აღნიშნული გადაწყვეტილების გასაჩივრება შესაძლებელია სახელმწიფო შესყიდვების ერთიანი ელექტრონული სისტემის შესაბამის ველში არსებული სისტემური ღილაკის მეშვეობით (<https://tenders.procurement.ge/>).

სატენდერო კომისია:

1. კომისიის თავმჯდომარე — გიორგი გელაშვილი
2. კომისიის თავმჯდომარის მოადგილე — მურთაზ სიჭინავა
3. კომისიის წევრი — გელა კეზუა
4. კომისიის წევრი — გიორგი ქურცუა
5. კომისიის წევრი — დავით ბენიძე
6. კომისიის წევრი — ლაშა შენგელია

სატენდერო კომისიის აპარატი:

1. აპარატის წევრი — გიორგი გიორგაძე



Mr. J. H.

J. H.

ს.ს. “საქართველოს სახელმწიფო ელექტროსისტემა“

სამსახურებრივი ბარათი

14.12.2023

N 21668

ვის: დირექტორთა საბჭოს წევრს ბ-ნ გიორგი გელაშვილს

ვისგან: დირექტორთა საბჭოს წევრის მ.შ ზურაბ მიქაია

საგანი: NAT230023786 ტენდერის შესახებ

ბატონო გიორგი,

გაცნობებთ, რომ სსე-ს მერ გამოცხადებულ ელექტრო ტენდერში NAT230023786, რომელიც ეხება ასა-ს და WAMS-ის სისტემის მოწყობილობების შესყიდვას დაისვა შემდეგი შეკითხვა, რომ სატენდერო დოკუმენტაციის 1.1.4 პუნქტში განსაზღვრული საქონლის მიწოდების ვადა, 100 კალენდარული დღე შეიცვალოს 120 კალენდარული დღით. პრეტენდენტის მიერ გამოთქმული არგუმენტაციის გათვალისწინებით და ასევე ვინაიდან მომდევნო პერიოდი ემთხვევა სადღესასწაულო დღეებს, რაც თავისთავად განაპირობებს სამუშაო დღეების შემცირებას, არ ვართ წინააღმდეგი მიწოდების ვადა გაიზარდოს 100 კალენდარული დღიდან 120 კალენდარულ დღემდე.

პატივისცემით,
ზურაბ მიქაია



დირექტორი ოპერატიული რეჟიმების და დისპეტჩერიზაციის საკითხებში - მ.შ.
დირექტორთა საბჭოს წევრი